

636

Bosna i Hercegovina
 Federacija Bosne i Hercegovine
**SKUPŠTINA KANTONA
 SARAJEVO**



Босна и Херцеговина
 Федерација Босне и Херцеговине
**СКУПШТИНА КАНТОНА
 САРАЈЕВО**

Bosnia and Herzegovina
 Federation of Bosnia and Herzegovina

**CANTON SARAJEVO
 ASSEMBLY**

**Odbor za javna priznanja
 Kantona Sarajevo**

Broj:01-05-2396-4/19
 Sarajevo, 21.03.2019.godina

**SKUPŠTINA KANTONA SARAJEVO
 n/r Sekretara**

PREDMET: Odluke Odbora za javna priznanja Kantona Sarajevo -dostavljaju se.

Poštovana,

U prilogu ovog akta dostavljamo Vam Odluke o dodjeli javnih priznanja Kantona Sarajevo sa obrazloženjima, koje verifikuje Skupština u skladu sa članom 6. Zakona o javnim priznanjima Kantona Sarajevo.

S poštovanjem.



Prilog: Odluke Odbora sa obrazloženjima (9x)



web: <http://skupstina.ks.gov.ba>
 e-mail: skupstina@skupstina.ks.gov.ba
 Tel: + 387 (0) 33 562-055,
 Fax: + 387 (0) 33 562-210
 Sarajevo, Reisa Džemaludina Čauševića 1





**Odbor za javna priznanja
Kantona Sarajevo**

**Broj:01-05-2396-4/19
Sarajevo, 21.03.2019.godina**

Na osnovu člana 4.stava 1. i 3. i člana 6. stav 1 Zakona o javnim priznanjima Kantona Sarajevo, ("Službene novine Kantona Sarajevo broj 2/10-Novi prečišćeni tekst"), Odbor za javna priznanja Kantona Sarajevo, na sjednici održanoj dana 21.03.2019.godine, donio je jednoglasno

**ODLUKU
O DODJELI PLAKETE
KANTONA SARAJEVO**

I

Gospodji Jasni Diklić, dodjeljuje se Plaketa Kantona Sarajevo, kao priznanje za izuzetan doprinos u razvoju pozorišne i filmske umjetnosti, te afirmaciji kulture na području Kantona Sarajevo i Bosne i Hercegovine.

II

Ova odluka dostavlja se Skupštini Kantona Sarajevo na verifikaciju.



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-055,
Fax:+ 387 (0) 33 562-210
Sarajevo, Reisa Džemaludina Čauševića 1





Na osnovu člana 6. Zakona o javnim priznanjima Kantona Sarajevo („Službene novine Kantona Sarajevo“, – Prečišćen tekst broj 2/10), Skupština Kantona Sarajevo na sjednici održanoj dana, donijela je

PRIJEDLOG

O D L U K U

O VERIFIKACIJI ODLUKE O DODJELI PLAKETE KANTONA SARAJEVO

I

Skupština Kantona Sarajevo verifikuje Odluku o dodjeli Plakete Kantona Sarajevo, gospodri Jasni Diklić, kao priznanje za izuzetan doprinos u razvoju pozorišne i filmske umjetnosti, te afirmaciji kulture na području Kantona Sarajevo i Bosne i Hercegovine.

II

Ova odluka objavit će se u " Službenim novinama Kantona Sarajevo".

Broj:
SARAJEVO

**PREDSJEDAVAJUĆI
SKUPŠTINE KANTONA SARAJEVO**

Elmedin Konaković



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-055,
Fax:+ 387 (0) 33 562-210
Sarajevo, Reisa Džemaludina Čauševića 1



ODBOR ZA JAVNA PRIZNANJA KANTONA SARAJEVO

N/R: članovima

PREDMET: Prijedlog za dodjelu Plakete Kantona Sarajevo, gđi Jasni Diklić

Obrazloženje za prijedlog:

Jasna Diklić rođena u Sarajevu, 8. marta 1946. godine je poznata bosanskohercegovačka pozorišna, filmska i televizijska glumica. Kao kćerka čuvene glumice i lutkarske redateljice Amalije praktično je prohodala u teatru, ali svoje prve glumačke korake načinila je na sceni sarajevskog Malog pozorišta gdje se odvijala praktična nastava po dobro znanom Dramskom studiju Festivala malih i eksperimentalnih scena MESS, čijoj je prvoj generaciji i sama pripadala. Glumu je diplomirala na Odsjeku scenskih umjetnosti Filozofskog fakulteta u Sarajevu.

Prvi profesionalni angažman dobila je u Narodnom pozorištu u Banjoj Luci, 1969. godine, a ubrzo se vraća na matičnu scenu Malog pozorišta koje će kasnije ponijeti ime Kamerni teatar 55. Do 1992. godine na ovoj sceni ostvarila je na desetine uloga među kojima su nezaboravnim ostale one u "Zagrljenicima" Miodraga Žalice, "Djelovanju gama zraka na čudovišne nevene" Paula Sindela, "Brisanom putu" Milice Novković, te "Plavoj Jevrejki" Isaka Samokovlje. Uz velika imena poput Senada Bašića, Miodraga Trifunova i druge, zaigrala je u "Skloništu", prvoj predstavi Sarajevskog ratnog teatra. Predstava Safeta Plakala i Dubravka Bibanovića premijerno je izvedena tokom opsade Sarajeva, 6. 9. 1992. godine. Jasna je maestralno odigrala lik Mine Hauzen, a predstava je doživjela 110 izvođenja u zemlji i 27 u inostranstvu. Ponukan time, Plakalo je pred kraj rata napisao i drugo poglavlje "Skloništa" pod nazivom "Memoari Mine Hauzen". Diklić je i u ovoj predstavi odigranoj 125 puta briljirala i postigla da publika jedno vrijeme zaboravi njezino lično ime i pamti je po imenu lika.

Neki od filmova u kojima je ostvarila uloge su "Savršeni krug", "Gori vatra", "Dobro uštimani mrtvaci", "Nebo iznad krajolika", "Ritam života", "Belvedere", "Kao da me nema" i "Šangaj". Kad su televizijske uloge u pitanju, Jasna Diklić je glumila u serijama "Viza za budućnost", po kojoj je šira javnost najviše i pamti, te "Crna hronika", "Krv nije voda", "Pečat", "Lud, zbumen, normalan", "Kriza" i "Ne diraj mi mamu".

Svoje bogato iskustvo nesebično prenosi i na nove generacije. Od 2001. godine je Umjetnička rukovoditeljica i redateljica u Poetskom teatru mladih Juventa. Od 2007. do 2009. godine je bila voditeljica dramskih radionica za djecu u Centru Skenderija. Svoj doprinos mladima dala je i kroz edukaciju srednjoškolaca s područja teatarske umjetnosti iz Bosne i Hercegovine, Europe i svijeta, 2012. godine, kada je pokrenula Internacionalni festival srednjoškolskog teatarskog stvaralaštva "Juventafest".

Ova heroina bh. glumačke scene svojim istančanim ukusom i nevjerovatnim smislom za scenu dala je pečat regionalnoj glumačkoj, pozorišnoj i televizijskoj umjetnosti. Za svoj rad je nagrađena brojnim nagradama. Neke od njih su "Žena godine" bosanskohercegovačkog magazina "Žena 21", Nagrada za desetogodišnji rad, doprinos teatarskoj umjetnosti i očuvanje digniteta glumca časopisa za dramu, teatar i odgoj "TMAČA ART", "Adem Ćejvan" Nagrada za životno djelo, Nagrada "Jurislav Korenić" i brojne druge.



**Odbor za javna priznanja
Kantona Sarajevo**

Broj:01-05-2396-4/19
Sarajevo, 21.03.2019.godine

Na osnovu člana 4.stava 1. i 3. i člana 6. stav 1 Zakona o javnim priznanjima Kantona Sarajevo, ("Službene novine Kantona Sarajevo broj 2/10-Novi prečišćeni tekst"), Odbor za javna priznanja Kantona Sarajevo, na sjednici održanoj dana 21.03.2019.godine, donio je jednoglasno

**ODLUKU
O DODJELI PLAKETE
KANTONA SARAJEVO**

I

Gospodi Bibiji Kerli, dodjeljuje se Plaketa Kantona Sarajevo, kao priznanje za dugogodišnji doprinos razvoju sporta na području Kantona Sarajevo i afirmaciji Bosne i Hercegovine u toj oblasti, te nesebično zalaganje i humanitarni rad.

II

Ova odluka dostavlja se Skupštini Kantona Sarajevo na verifikaciju.

PREDSJEDAVAJUĆI ODBORA

Elmedin Konaković



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-055,
Fax: + 387 (0) 33 562-210
Sarajevo, Reisa Džemaludina Čauševića 1





Na osnovu člana 6. Zakona o javnim priznanjima Kantona Sarajevo („Službene novine Kantona Sarajevo“, – Prečišćen tekst broj 2/10), Skupština Kantona Sarajevo na sjednici održanoj dana , donijela je

PRIJEDLOG

O D L U K U

O VERIFIKACIJI ODLUKE O DODJELI PLAKETE KANTONA SARAJEVO

I

Skupština Kantona Sarajevo verifikuje Odluku o dodjeli Plakete Kantona Sarajevo gospodi Bibiji Kerli, kao priznanje za dugogodišnji doprinos razvoju sporta na području Kantona Sarajevo i afirmaciji Bosne i Hercegovine, te za nesebično zalaganje i humanitarni rad.

II

Ova odluka objavit će se u "Službenim novinama Kantona Sarajevo".

Broj:
SARAJEVO

**PREDSJEDAVAJUĆI
SKUPŠTINE KANTONA SARAJEVO**

Elmedin Konaković



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-055,
Fax: + 387 (0) 33 562-210
Sarajevo, Reisa Džemaludina Čauševića 1



ODBOR ZA JAVNA PRIZNANJA KANTONA SARAJEVO

N/R: članovima

PREDMET: Prijedlog za dodjelu Plakete Kantona Sarajevo, gdji Bibiji Kerli

Obrazloženje za prijedlog:

Bibija Kerla, rođena je 23. oktobra 1959. godine. Kerla je najsvestranija bosanskohercegovačka sportašica ikada, okušala se u čak četiri sporta. Osim atletikom i brzim klizanjem, paralelno se bavila fudbalom i kuglanjem. Impresivno je da je u sva četiri sporta bila u državnoj reprezentaciji Jugoslavije, a potom u dva sporta u reprezentaciji Bosne i Hercegovine.

Prva ljubav bila je atletika, kojom se Bibija počela baviti 1978. godine, a već 1979. godine bila je član državne reprezentacije Jugoslavije u bacačkim disciplinama - disk. Sa 22 godine počela se baviti klizanjem, a nakon dvije godine, 1984. učestvovala je na sarajevskoj olimpijadi. Najveći uspjeh postiže četiri godine kasnije u Calgaryju. Tamo je postigla sve jugoslovenske rekorde u klizanju koji su i dan-danas u njenom vlasništvu, a to je u disciplinama 500, 1.000 i 1.500 metara. Svoj zadnji nastup u brzom klizanju Kerla je imala na Svjetskom prvenstvu 1991. godine u Tronhajmu, u Norveškoj. Bila je kandidat i za nastup na Olimpijskim igrama u Albervilu, Francuskoj, ali je svoje mjesto ustupila mlađem takmičaru i tako ostala u sjećanju kao jedna od izuzetno fer i korektnih sportašica.

Godine 1983. prije nastupa na Olimpijskim igrama, Bibija Kerla se oprobala u još jednom sportu, a to je ženski fudbal, te u dresu Željezničara otpočela jednu veoma uspješnu fudbalsku karijeru. Svoju prvu utakmicu za ekipu Željezničara je odigrala u septembru 1983. godine u Puli, gdje je za samo 17 minuta igranja dala pet golova, od čega je poznati sudija Marjan Raus poništio dva. Ubrzo zatim dobija poziv za nastup u državnoj reprezentaciji Jugoslavije u kojoj nastupa do samog početka rata, a po završetku nastupa i za reprezentaciju Bosne i Hercegovine u kojoj svoj zadnji nastup igra u Tel Avivu, protiv Izraela 2000. godine. U karijeri je postigla veliki broj golova, posebno se dokazavši u utakmici protiv Ljubljane 1985. godine kada je Željeznicar gostovao i pobijedio sa 11:0. Kerla je tada dala 5 golova.

Ona je i međunarodni sudija u brzom klizanju čiju je licencu produžila na upravo završenom Seminaru za međunarodne sudije, održanom u Mariboru u februaru 2019 godine.

Osim što je naša najsvestranija sportistkinja, Bibija Kerla je i velika humanitarka. Čitav život posvetila je svom narodu i svojim humanitarnim akcijama dokazala koliko voli Sarajevo i koliko se bori za svoje sugrađanke i sugrađane. Samo jedan od primjera koji pokazuje njen veliko srce su poplave 2014. godine, kada je punih 45 dana provela na terenu i podijelila 35 tona hrane, odjeće i obuće narodu kojem je u tom trenutku to najviše trebalo.

Od 2014. godine zastupnica je u Skupštini Kantona Sarajevo gdje se između ostalog zalaže za socijalno ugroženu populaciju, naročito penzionere i ljude koji nemaju nikakva primanja, a rado se odazove svim humanitarnim pozivima, pogotovo kada su u pitanju najmlađi. Jedan od takvih je i organizacija novogodišnjih paketića. „Biba nationale“ kako je mnogi zovu, sa svojim prijateljima i donatorima potkraj 2017. godine usrećila je 33 mališana, člana Udruženja gluhih i nagluhih Grada Zenica.

Dobitnica je mnogobrojnih nagrada i priznanja, a najznačajnija su „Nagrada za životno djelo“, Sportskog saveza Bosne i Hercegovine i Priznanje „Legende Bosansko –hercegovačkog sporta“, dodjeljeno od Sportskog Saveza KS.



**Odbor za javna priznanja
Kantona Sarajevo**

**Broj:01-05-2396-4/19
Sarajevo, 21.03.2019.godina**

Na osnovu člana 4.stava 1. i 3. i člana 6. stav 1 Zakona o javnim priznanjima Kantona Sarajevo, ("Službene novine Kantona Sarajevo broj 2/10-Novi prečišćeni tekst"), Odbor za javna priznanja Kantona Sarajevo, na sjednici održanoj dana 21.03.2019.godine, donio je jednoglasno

**ODLUKU
O DODJELI PLAKETE
KANTONA SARAJEVO**

I

Gospodinu Muhamedu Pilavu, dodjeljuje se Plaketa Kantona Sarajevo, kao priznanje za izuzetan doprinos razvoju industrije i ekonomskom osnaživanju države Bosne i Hercegovine, te za podršku obrazovanju i zapošljavanju mladih u ovoj oblasti.

II

Ova odluka dostavlja se Skupštini Kantona Sarajevo na verifikaciju.

PREDSJEDAVAJUĆI ODBORA

Elmedin Konaković



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-055,
Fax:+ 387 (0) 33 562-210
Sarajevo, Reisa Džemaludina Čauševića 1





Na osnovu člana 6. Zakona o javnim priznanjima Kantona Sarajevo („Službene novine Kantona Sarajevo“, – Prečišćen tekst broj 2/10), Skupština Kantona Sarajevo na sjednici održanoj dana, donijela je

PRIJEDLOG

O D L U K U

O VERIFIKACIJI ODLUKE O DODJELI PLAKETE KANTONA SARAJEVO

I

Skupština Kantona Sarajevo verifikuje Odluku o dodjeli Plakete Kantona Sarajevo, gospodinu Muhamedu Pilavu, kao priznanje za izuzetan doprinos razvoju industrije i ekonomskom osnaživanju države Bosne i Hercegovine, te za podršku obrazovanju i zapošljavanju mladih u ovoj oblasti.

II

Ova odluka objavit će se u “ Službenim novinama Kantona Sarajevo”.

Broj:
SARAJEVO

**PREDSJEDAVAJUĆI
SKUPŠTINE KANTONA SARAJEVO**

Elmedin Konaković



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-055,
Fax: + 387 (0) 33 562-210
Sarajevo, Reisa Džemaludina Čauševića 1



ODBOR ZA JAVNA PRIZNANJA KANTONA SARAJEVO

N/R: članovima

PREDMET: Prijedlog za dodjelu Plakete Kantona Sarajevo, gosp. Muhamedu Pilavu

Obrazloženje za prijedlog:

Muhamed Pilav, vlasnik je kompanije MS&Wood, bosanskohercegovačkog proizvođača višestruko nagrađivanog namještaja prestižnim svjetskim nagradama, koji u stopostotnom obimu izvozi svoje proizvode na zahtjevna svjetska tržišta. Kvalitet i konkurentnost na tržištu glavne su karakteristike i razlog što ova kompanija izvozi u više od 50 zemalja svijeta, te ima stalni rast prihoda. Inozemne partneri fasciniraju brzinom napredovanja i unutarnjim promjenama u upravljačkom, proizvodnom i logističkom smislu, a domaće tržište zahvalno je što ima kompaniju koja u svijet plasira 100% bh. proizvod - od dizajna, preko majstora i materijala, do kutije za pakovanje - sve je iz Bosne i Hercegovine.

Namještaj koji proizvodi MS&Wood dobio je vrhunske svjetske nagrade i priznanja za dizajn i kvalitet. Samo na sajmu u Kelnu dobili su četiri nagrade za inovativni dizajn, a na Triennalu umjetnosti i dizajna u Milatu koji je najznačajnije mjesto te vrste na svijetu, bh. namještaj, među kojem je bila i njihova kolekcija, uvršten je u redovnu postavku Triennala i to prvi put od njegovog osnivanja 1923. godine. Jedan od najznačajnijih partnera ove bosanskohercegovačke industrije namještaja je najveći proizvođač i lanac prodavnica namještaja na svijetu, švedska IKEA.

Osnovni koncept fabrike je da ne zagađuje ni vodu ni zemlju ni zrak. Ništa se ne bacu.

Nije samo briga o okolišu ono što ovu kompaniju izdvaja, već i veliki doprinos i podrška u obrazovanju mladih. Muhamed Pilav stipendira svakog učenika koji upiše drvoprerađivačku školu u Fojnici, bez obzira da li će nakon toga raditi u MS&Wood kompaniji za proizvodnju namještaja ili negdje drugo. Upravo je ova kompanija odgovorna što je ponovo nakon rata pokrenuta drvoprerađivačka škola u Fojnici. Mnogo su investirali u edukaciju uposlenika. Već nekoliko godina djeluje i MS&Wood College u kojem primjenjuju teoriju i praksu u smislu cjeloživotnog učenja.

MS&Wood, s Muhamedom Pilavom na čelu, je jedan od primjera uspješne privatizacije u BiH, u kojoj je jedna neperspektivna industrija sa krajnje neizvjesnim ishodom (MS&Wood je nekada proizvodio eksere), uslijed promjena ukupnih prilika na domaćem, ali i svjetskom tržištu, zamijenjena industrijskom proizvodnjom namještaja, po kojoj je Bosna i Hercegovina prepoznata kao jedna od najkonkurentnijih u svijetu.



**Odbor za javna priznanja
Kantona Sarajevo**

**Broj:01-05-2396-4/19
Sarajevo, 21.03.2019.godina**

Na osnovu člana 4.stava 1. i 3. i člana 6. stav 1 Zakona o javnim priznanjima Kantona Sarajevo, ("Službene novine Kantona Sarajevo broj 2/10-Novi prečišćeni tekst"), Odbor za javna priznanja Kantona Sarajevo, na sjednici održanoj dana 21.03.2019.godine, donio je jednoglasno

**ODLUKU
O DODJELI PLAKETE
KANTONA SARAJEVO**

I

Kompaniji "Sinkro" Sarajevo, dodjeljuje se Plaketa Kantona Sarajevo, kao priznanje za izuzetan doprinos jačanju privrednog i ekonomskog razvoja Kantona Sarajevo i države Bosne i Hercegovine.

II

Ova odluka dostavlja se Skupštini Kantona Sarajevo na verifikaciju.

PREDSJEDAVAJUĆI ODBORA

Elmedin Konaković

web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-055,
Fax:+ 387 (0) 33 562-210
Sarajevo, Reisa Džemaludina Čauševića 1





Na osnovu člana 6. Zakona o javnim priznanjima Kantona Sarajevo („Službene novine Kantona Sarajevo“, – Prečišćen tekst broj 2/10), Skupština Kantona Sarajevo na sjednici održanoj dana donijela je

PRIJEDLOG

O D L U K U

O VERIFIKACIJI ODLUKE O DODJELI PLAKETE KANTONA SARAJEVO

I

Skupština Kantona Sarajevo verificuje Odluku o dodjeli Plakete Kantona Sarajevo, kompaniji "Sinkro" Sarajevo, kao priznanje za izuzetan doprinos jačanju privrednog i ekonomskog razvoja Kantona Sarajevo i države Bosne i Hercegovine.

II

Ova odluka objavit će se u " Službenim novinama Kantona Sarajevo".

Broj:
SARAJEVO

**PREDSJEDAVAJUĆI
SKUPŠTINE KANTONA SARAJEVO**

Elmedin Konaković



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-055,
Fax: + 387 (0) 33 562-210
Sarajevo, Reisa Džemaludina Čauševića 1



ODBOR ZA JAVNA PRIZNANJA KANTONA SARAJEVO

N/R: članovima

PREDMET: Prijedlog za dodjelu Plakete Kantona Sarajevo, kolektivu, kompaniji SINKRO

Obrazloženje za prijedlog:

Sarajevska kompanija Sinkro, osnovana je 1997. godine. Stalnim ulaganjem i napornim radom u vrlo kratkom periodu je postala regionalni lider u prodaji repromaterijala i štofova za proizvodnju namještaja u Bosni i Hercegovini i regionu, a krajem prošle, 2018. godine, postala je dio najveće evropske grupacije tapaciranog namještaja – Cotta, čije je sjedište u Lihtenštajnu. Zbog proširenja kapaciteta ove dvije kompanije su ušle u zajedničko ulaganje u nove pogone u Vlakovu.

Sinkro ima blizu 600 zaposlenih, a nedavno su raspisali i nove konkurse. Namjera im je širiti se i otvarati nova radna mjesta, te planiraju da u skorijoj budućnosti broj zaposlenih dosegne 1.000. Sinkro nudi idealno okruženje i najbolje uslove rada, a uposlenici u ovoj kompaniji imaju i najbolje plate u branši.

Pored dvije fabrike, od januara 2019. sa radom je počela i treća, te se pravi jedan ozbiljan hub za namještaj u regiji, ukupne kvadrature od 35.000 metara kvadratnih.

Sinkro namještaj, osmišljen u vlastitom odjelu za razvoj, izvozi se u 25 zemalja Europe, a njihovi proizvodi se mogu kupiti u Parizu, Cirihu, Minhenu, Briselu, Talinu... Svojim kvalitetom postali su renomirani i prepoznatljivi na evropskom tržištu namještaja, te zaslužili mjesto među najboljim i najtraženijim proizvođačima u ovom sektoru.

Proizvodnja namještaja jedna je od najbrže rastućih i najperspektivnijih grana bh. industrije. Sinkro je dokaz da se i u Bosni i Hercegovini predanim radom može uspjeti i stati rame uz rame s najvećim firmama iz Evrope i regije.



**Odbor za javna priznanja
Kantona Sarajevo**

**Broj:01-05-2396-4/19
Sarajevo, 21.03.2019.godina**

Na osnovu člana 4.stava 1. i 3. i člana 6. stav 1 Zakona o javnim priznanjima Kantona Sarajevo, ("Službene novine Kantona Sarajevo broj 2/10-Novi prečišćeni tekst"), Odbor za javna priznanja Kantona Sarajevo, na sjednici održanoj dana 21.03.2019.godine, donio je jednoglasno

**ODLUKU
O DODJELI PLAKETE
KANTONA SARAJEVO**

I

Profesoru emeritusu Zdravki Grebi, dodjeljuje se Plaketa Kantona Sarajevo, posthumno, kao priznanje za višedecenijski angažman i doprinos u obrazovanju mlađih, u borbi za istinu, mir i pravdu, te za razvoj akademske zajednice i društva u oblasti pravnih nauka na području Kantona Sarajevo i Bosne i Hercegovine.

II

Ova odluka dostavlja se Skupštini Kantona Sarajevo na verifikaciju.

PREDSJEDAVAJUĆI ODBORA

Elmedin Konaković



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-055,
Fax: + 387 (0) 33 562-210
Sarajevo, Reisa Džemaludina Čauševića 1





Na osnovu člana 6. Zakona o javnim priznanjima Kantona Sarajevo („Službene novine Kantona Sarajevo“, – Prečišćen tekst broj 2/10), Skupština Kantona Sarajevo na sjednici održanoj dana , donijela je

PRIJEDLOG

O D L U K U

O VERIFIKACIJI ODLUKE O DODJELI PLAKETE KANTONA SARAJEVO

I

Skupština Kantona Sarajevo verificuje Odluku o dodjeli Plakete Kantona Sarajevo, posthumno, profesoru emeritusu, Zdravki Grebi, kao priznanje za višedecenijski angažman i doprinos u obrazovanju mladih, u borbi za istinu, mir i pravdu, te za razvoj akademske zajednice i društva u oblasti pravnih nauka na području Kantona Sarajevo i Bosne i Hercegovine.

II

Ova odluka objavit će se u " Službenim novinama Kantona Sarajevo".

Broj:
SARAJEVO

**PREDSJEDAVAJUĆI
SKUPŠTINE KANTONA SARAJEVO**

Elmedin Konaković



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-055,
Fax: + 387 (0) 33 562-210
Sarajevo, Reisa Džemaludina Čauševića 1



Skupština Kantona Sarajevo

Odbor za javna priznanja

Prof. Zdravko Grebo, počasni gradjanin Kantona Sarajevo – posthumno

Profesor Zdravko Grebo je rođen 30. jula 1947. u Mostaru. Diplomirao je na Pravnom fakultetu u Sarajevu 1970. godine. Postdiplomski studij i doktorat završio je na Univerzitetu u Beogradu.

Radio je kao redovni profesor Pravnog fakulteta u Sarajevu. Bio je osnivač gradskog radija ZID, osnivač i direktor Izdavačke kuće ZID, član Executive Board of Bosnian Peace Corps, osnivač HCA za ex-Yu, direktor Pravnog Centra FOD BiH, direktor međunarodnog postdiplomskog kursa "Evropske studije" i osnivač Open Society Fund BiH.

Dobitnik je Nagrade Evropskog kluba za mir i protiv rasizma i ksenofobije 1994., Ruzveltova medalja 1994. i Francuska legija časti 2003. godine.

Objavio je nekoliko knjiga među kojima su: "Marks i Kelsen", "Pravni sistem SFRJ", "Savremena američka pravna teorija", "Novi Ustav BiH", te "Elementi evropskog prava".

Ugledni i omiljeni profesor, doktor nauka sa Pravnog fakulteta Univerziteta u Sarajevu, napustio nas je u 72. godini života, nakon duge i bogate profesorske karijere uz koju se javnosti predstavljao ne samo kao brilljantan pravni stručnjak, nego još i više kao vrlo prepoznatljiv i utjecajan intelektualac širokih pogleda i rezona koji su neporecivo korespondirali sa općeprihvaćenim, ljudskim i civilizacijskim pogledima i standardima življenja.

Bio je lider ideja za građansko društvo, za prava svih u BiH bez obzira na njihovu nacionalnu ili vjersku pripadnost.

Zbog toga je bio iskreno omiljen ne samo na sarajevskom Univerzitetu, gdje je predavao duže od 40 godina, nego i u svom Mostaru, a jednako snažno i dobrodošlo, raširenih ruku, i u širokom regionalnom i evropskom društvu uglednih pojedinaca koji su svojim jasnim, nepokolebljivim i čvrstim stavom i angažmanom, bili ubjedljivi predvodnici jasne, čiste i zdrave proevropske misli i djelovanja.

Zdravko Grebo je bio neko za koga su obični ljudi uvijek nalazili samo lijepu riječ. Čovjek kojeg ste jednostavno morali poštovati. Više od svega bio je divni i plemeniti čovjek, kojim je vladala golema prostodušnost i iskrenost.

Zdravko Grebo je bio svjetlo u surovoj bosanskohercegovačkoj tminii!

Sarajevo, 14.03.2019.

Segmedina Srna Bajramović



**Odbor za javna priznanja
Kantona Sarajevo**

**Broj:01-05-2396-4/19
Sarajevo, 21.03.2019.godina**

Na osnovu člana 4.stava 1. i 3. i člana 6. stav 1 Zakona o javnim priznanjima Kantona Sarajevo, ("Službene novine Kantona Sarajevo broj 2/10-Novi prečišćeni tekst"), Odbor za javna priznanja Kantona Sarajevo, na sjednici održanoj dana 21.03.2019.godine, donio je jednoglasno

**ODLUKU
O DODJELI PLAKETE
KANTONA SARAJEVO**

I

Asocijaciji kompanija softverske industrije Bit Alliance, dodjeljuje se Plaketa Kantona Sarajevo, kao priznanje za izuzetne zasluge u rastu i razvoju pozitivnog poslovnog okruženja i u edukaciji mладог kadra u oblasti informacionih tehnologija na području Kantona Sarajevo i Bosne i Hercegovine.

II

Ova odluka dostavlja se Skupštini Kantona Sarajevo na verifikaciju.

PREDSJEDAVAJUĆI ODBORA

Elmedin Konaković



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-055,
Fax: + 387 (0) 33 562-210
Sarajevo, Reisa Džemaludina Čauševića 1





Na osnovu člana 6. Zakona o javnim priznanjima Kantona Sarajevo („Službene novine Kantona Sarajevo“, – Prečišćen tekst broj 2/10), Skupština Kantona Sarajevo na sjednici održanoj dana, donijela je

PRIJEDLOG

O D L U K U

O VERIFIKACIJI ODLUKE O DODJELI PLAKETE KANTONA SARAJEVO

I

Skupština Kantona Sarajevo verificuje Odluku o dodjeli Plakete Kantona Sarajevo, Asocijaciji kompanija softverske industrije Bit Alliance, kao priznanje za izuzetne zasluge u rastu i razvoju pozitivnog poslovnog okruženja, te u edukaciji mladog kadra u oblasti informacionih tehnologija na području Kantona Sarajevo i Bosne i Hercegovine.

II

Ova odluka objavit će se u "Službenim novinama Kantona Sarajevo".

Broj:

SARAJEVO

**PREDSJEDAVAJUĆI
SKUPŠTINE KANTONA SARAJEVO**

Elmedin Konaković



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-055,
Fax: + 387 (0) 33 562-210
Sarajevo, Reisa Džemaludina Čauševića 1



ODBOR ZA JAVNA PRIZNANJA KANTONA SARAJEVO

N/R: članovima

PREDMET: Prijedlog za dodjelu Plakete Kantona Sarajevo, Asocijaciji kompanija softverske industrije - BIT ALLIANCE

Obrazloženje za prijedlog:

Bit Alijansa je udruženje 58 najvećih IT kompanija iz Bosne i Hercegovine koje zapošljavaju preko 70% od ukupnog broja zaposlenih u IT industriji, tačnije 2.800 ljudi, s ciljem da zajedničkim nastupom zagovaraju promjene u zakonodavstvu, obrazovanju i drugim segmentima društva koji ograničavaju rast i razvoj industrije.

U cilju da razviju pozitivno poslovno okruženje za daljnji rast bosanskohercegovačke IT industrije, Bit Alijansa kontinuirano radi na rješavanju dva najveća problema s kojima se IT industrija svakodnevno susreće - nedostatak kvalifikovanog kadra i slabo razvijene infrastrukture u IT industriji, popraćene nedostatkom razvojnog podsticaja. Kako bi se riješili ovi ključni problemi, Bit Alijansa je krajem 2018. godine najavila prvi IT manifest BiH koji će ponuditi rješenje za unapređenje obrazovnog procesa. On ujedno obuhvata i četverogodišnje smjernice rada Bit Alijanse, a primarni cilj je saradnja sa obrazovnim institucijama na revidiranju plana i programa osnovnih i srednjih škola i fakulteta prema potrebama IT industrije.

Zajednica Bit Alijanse odlučna je u namjeri da osigura kvalitetnu edukaciju za mlade osobe kroz mnogobrojne programe i projekte, kao što je i Bit Lab, u saradnji sa univerzitetima, školama, udruženjima i drugim organizacijama u zemlji i иностранству koje se bave informatičkim tehnologijama. Također, u saradnji sa MarketMakers pokrenuli su projekat, IT Career Portal, koji će ponuditi korisne savjete mладима vezane za karijeru u IT sektoru Bosne i Hercegovine. IT portal će biti svojevrsna baza svih univerziteta, fakulteta kao njihovih organizacionih jedinica, sa vidljivom lokacijom, studijskim programima, predavačima, te će korisnici imati uvid u nastavni plan i program studijskih programa.

IT sektor u BiH trenutno ima veliki potencijal u smanjenju stope nezaposlenosti mlađih i sprječavanju odljeva mozgova kroz zapošljavanje koje nudi odlične uslove za rad. Upravo na tome će biti fokus Bit Alijanse u naredne četiri godine.

Ostvarivanje definisanih ciljeva jedino je moguće angažovanjem široke mreže više od 50 partnerskih organizacija, vladinih i nevladinih, s kojima Bit Alijansa već sarađuje.



**Odbor za javna priznanja
Kantona Sarajevo**

**Broj:01-05-2396-4/19
Sarajevo, 21.03.2019.godina**

Na osnovu člana 4.stava 1. i 3. i člana 6. stav 1 Zakona o javnim priznanjima Kantona Sarajevo, ("Službene novine Kantona Sarajevo broj 2/10-Novi prečišćeni tekst"), Odbor za javna priznanja Kantona Sarajevo, na sjednici održanoj dana 21.03.2019.godine, donio je jednoglasno

**ODLUKU
O DODJELI PLAKETE
KANTONA SARAJEVO**

I

Gospodinu Sabitu Hadžiću, dodjeljuje se Plaketa Kantona Sarajevo, posthumno, kao priznanje za višegodišnje uspješno djelovanje, iznimna postignuća i nemjerljiv doprinos razvoju sporta u Kantonu Sarajevo i afirmaciji države Bosne i Hercegovine.

II

Ova odluka dostavlja se Skupštini Kantona Sarajevo na verifikaciju.

PREDSJEDAVAJUĆI ODBORA

Elmedin Konaković

web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-055,
Fax:+ 387 (0) 33 562-210
Sarajevo, Reisa Džemaludina Čauševića 1





Na osnovu člana 6. Zakona o javnim priznanjima Kantona Sarajevo („Službene novine Kantona Sarajevo“, – Prečišćen tekst broj 2/10), Skupština Kantona Sarajevo na sjednici održanoj dana , donijela je

PRIJEDLOG

O D L U K U

O VERIFIKACIJI ODLUKE O DODJELI PLAKETE KANTONA SARAJEVO

I

Skupština Kantona Sarajevo verifikuje Odluku o dodjeli Plakete Kantona Sarajevo, posthumno, gospodinu Sabitu Hadžiću, kao priznanje za višegodišnje uspješno djelovanje, iznimna postignuća i nemjerljiv doprinos razvoju sporta u Kantonu Sarajevo i afirmaciji države Bosne i Hercegovine.

II

Ova odluka objavit će se u " Službenim novinama Kantona Sarajevo".

Broj:
SARAJEVO

**PREDSJEDAVAJUĆI
SKUPŠTINE KANTONA SARAJEVO**

Elmedin Konaković



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-055,
Fax: + 387 (0) 33 562-210
Sarajevo, Reisa Džemaludina Čauševića 1



ODBOR ZA JAVNA PRIZNANJA KANTONA SARAJEVO

N/R: članovima

PREDMET: Prijedlog za dodjelu Plakete Kantona Sarajevo, posthumno, gosp. Sabitu Hadžiću

Obrazloženje za prijedlog:

Sabit Hadžić rođen je u Sarajevu 7. avgusta 1957. godine. Bio je bosanskohercegovački košarkaški trener i košarkaš, jedan od legendi sarajevske Bosne.

Košarkaški put Sabita Hadžića počeo je u Famosu iz Hrasnice, a onda ga je kao momka spremnog za velike stvari zapazila KK Bosna. Bio je član šampionske generacije sarajevske Bosne, koja se popela na tron Starog kontinenta 1979. godine. Uslijedili su i pozivi za reprezentaciju Jugoslavije što je bio vrhunac za jednog košarkaša. Hadžić je bio pozvan među 16 igrača koji su ušli u izbor za roster Jugoslavije koja je 1980. godine nastupala na Olimpijskim igrama u Moskvi. Iako u Moskvu nije putovao, sama činjenica da je bio na listi od 16 igrača dovoljno govori o njegovoj igračkoj veličini, jer taj jugoslovenski tim osvojio je zlato u Moskvi. Ipak, nastup na Olimpijskim igrama bio je suđen za Hadžića i šansu da nastupi na najvećoj sportskoj smotri dobio je četiri godine kasnije kada osvajaju bronzu u Los Angelesu sa selekcijom Jugoslavije. Poput Mirze Delibašića i Dinčeta Bilalovića, Sabit Hadžić je također obilježio jedno vrijeme, a najduže je od svih bio u 'Bosni'. S njom je postigao i najveće uspjehe u karijeri, kao igrač i trener. Sa "Studentima" je kao igrač tri puta bio prvak bivše Jugoslavije (1978, 1980, 1983), te prvak Evrope (1979). Sarajevskom klubu donio je i prvu titulu prvaka Bosne i Hercegovine kad je 1999. godine s klupe predvodio Bosnu. Paralelno s uspjesima KK Bosna, Sabit Hadžić je klesao put reprezentaciji BiH koju je vodio na četiri evropska prvenstva (1997. 1999. 2001. i 2011.) i ko zna koliko će vremena proći dok neko drugi ne stigne ili ne nadmaši njegov rekord.

Svojim sportskim i ljudskim osobinama mnogo je zadužio bh. košarku, no ostat će upamćen i po tome što je 9. aprila 1983. godine na utakmici za naslov prvaka 39. košarkaškog prvenstva Jugoslavije između Šibenke i svoje Bosne, faulirao Šibenkinog Dražena Petrovića za dva slobodna bacanja pri rezultatu 81:82 za Bosnu. Petrović je pogodio oba bacanja te je Šibenka osvojila titulu pobjedom od 83:82. Nekoliko sati poslije, Košarkaški savez Jugoslavije tu je utakmicu proglašio neregularnom zbog, po mnogima, nepostojecog prekršaja nad Draženom Petrovićem. Utakmica se morala ponavljati. To je prvi put da je utakmica poništена zbog sudačke odluke.

Slava koju je Hadžić stekao kao igrač nije promijenila njegov karakter. Ostao je skroman do kraja igračke karijere, kao i kasnije kroz trenersku karijeru, sve do posljednjeg pozdrava. Sabit Hadžić umro je 2. marta 2018. godine.



**Odbor za javna priznanja
Kantona Sarajevo**

**Broj:01-05-2396-4/19
Sarajevo, 21.03.2019.godina**

Na osnovu člana 4.stava 1. i 3. i člana 6. stav 1 Zakona o javnim priznanjima Kantona Sarajevo, ("Službene novine Kantona Sarajevo broj 2/10-Novi prečišćeni tekst"), Odbor za javna priznanja Kantona Sarajevo, na sjednici održanoj dana 21.03.2019.godine, donio je jednoglasno

**ODLUKU
O DODJELI PLAKETE
KANTONA SARAJEVO**

I

Javnoj ustanovi "Prva gimnazija", dodjeljuje se Plaketa Kantona Sarajevo, kao priznanje za izuzetan doprinos razvoju odgojno-obrazovnog sistema u Kantonu Sarajevo i Bosni i Hercegovini, te podsticanju i razvijanju kreativnosti, ličnih sposobnosti i tolerancije među mladima.

II

Ova odluka dostavlja se Skupštini Kantona Sarajevo na verifikaciju.

PREDSJEDAVAJUĆI ODBORA

Elmedin Konaković



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-055
Fax:+ 387 (0) 33 562-210
Sarajevo, Reisa Džemaludina Čauševića 1





Na osnovu člana 6. Zakona o javnim priznanjima Kantona Sarajevo („Službene novine Kantona Sarajevo“, – Prečišćen tekst broj 2/10), Skupština Kantona Sarajevo na sjednici održanoj dana, donijela je

PRIJEDLOG

O D L U K U

O VERIFIKACIJI ODLUKE O DODJELI PLAKETE KANTONA SARAJEVO

I

Skupština Kantona Sarajevo verifikuje Odluku o dodjeli Plakete Kantona Sarajevo, Javnoj ustanovi "Prva gimnazija" Sarajevo, kao priznanje za izuzetan doprinos razvoju odgojno-obrazovnog sistema u Kantonu Sarajevo i Bosni i Hercegovini, te podsticanju i razvijanju kreativnosti, ličnih sposobnosti i tolerancije među mladima.

II

Ova odluka objavit će se u "Službenim novinama Kantona Sarajevo".

Broj:
SARAJEVO


**PREDSJEDAVAJUĆI
SKUPŠTINE KANTONA SARAJEVO**

Elmedin Konaković



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-055,
Fax:+ 387 (0) 33 562-210
Sarajevo, Reisa Džemaludina Čauševića 1





Broj: 05-2- 36 /19

Sarajevo, 25.02.2019. godine.

KANTONA SARAJEVO

Odbor za javna priznanja Kantona Sarajevo
n/r sekretara Skupštine Kantona Sarajevo

Predmet: Prijedlog za „Plaketu Kantona Sarajevo“, dostavlja se

Poštovani,

dostavljamo Vam prijedlog za „Plaketu Kantona Sarajeva“. Uz ovaj akt dostavljamo slijedeće:


1. Odluku najvišeg organa Sindikata (Sindikat srednjeg i visokog obrazovanja, odgoja, nauke i kulture BiH Kantonalni odbor Kantona Sarajevo).
2. Obrazloženje prijedloga,
3. Foto dokumentacija

S poštovanjem,



Dan dana 25.02.2019.

Xmar Dedić, ptoj.



Broj:05-2-36 /19

Sarajevo, 12.02. 2019. godine

Na sjednici Kantonalnog odbora koja je održana 12.02.2019. donesena je :

O D L U K A

Član 1.

Za „Plaketu Kantona Sarajevo“ predlaže se JU „Prva gimnazija“ u Sarajevu kao znak priznanja povodom obilježavanja 140. godina rada, kao najstarija sekularna srednja škola u BiH.

Član 2.


Uvažavajući Odluku o uslovima i načinu predlaganja kandidata za dodjelu „Plakete Kantona Sarajevo“ smatramo da naš prijedlog ispunjava uslove kandidature iz područja obrazovanja i nauke i zato predlažemo da se nagrada dodijeli JU „Prva gimnazija“ kao odavanje priznanja kao najstarijoj srednjoj školi u BiH koja je dala nemjerljiv doprinos u razvoju obrazovanja, nauke umjetnosti i u drugim djelatnostima. BiH i grada Sarajeva. Ovaj naš prijedlog ima za cilj da se ustanove iz djelatnosti obrazovanja ne zaborave prilikom donošenja Odluke o nagradama i na taj način poslati poruku javnosti da su škole značajan faktor u našem društvu.


Član 3.

Obrazloženje prijedloga napraviti će Komisija koju odredi predsjednik Kantonalnog odbora.

Član 4.

Za realizaciju Odluke zadužuje se predsjednik Kantonalnog odbora Faruk Bešlić.





O B R A Z L O Ž E N J E

Prva gimnazija osnovana je 1879 godine, kao prva sekularna srednja škola u BiH.

Naime, 20. septembra pomenute godine, naredbom Zemaljske vlade za BiH broj 19871/1 ustanovljena je prva državna srednja škola interkonfesionalnog karaktera, koja je, kako je ostalo zapisano, „učenicima svih narodnosti u BiH širom otvorila vrata“.

Kada je Austro-Ugarska po odluci Berlinskog kongresa 1878 okupirala Bosnu i Hercegovinu nije zatekla niti jednu srednju školu svjetovnog karaktera. Prva gimnazija je praktično 14 godina (od 1879 do 1893.) bila jedina državna srednja škola u cijeloj Bosni i Hercegovini.

Škola je prigodom svečanošću otvorena 6. novembra 1879. godine. U prvi razred upisala je 42 đaka, i to : 16 katolika, 10 pravoslavnih, 7 muslimana, 7 Jevreja i 2 evangelika. Iz Sarajeva 24, izvan Sarajeva 18. Otvaranju su prisustvovali tadašnji najviši predstavnici vlasti.

Sa prvim upisom djece išlo je veoma teško. Prvi direktor, po narodnosti Slovak, išao je od kuće do kuće po Sarajevu i ubjeđivao i nagovarao roditelje da upišu svoju djecu u novoootvorenu školu.

Od toga vremena prošlo je 140. godina. Kao poređenje sa početkom rada sada Prva gimnazija ne može da upiše sve učenika koji žele bit učenici Prve gimnazije.

U početku je škola je bila realno- gimnazijskog tipa, te se zvala Realna gimnazija. Godine 1883. postaje Klasična (humanistička) gimnazija, a 1884. godine postaje Velika gimnazija i to je ime zadržala sve do 1922. godine postaje Prva gimnazija.

Nastavni plan i program bio je isti kakav je bio u drugim evropskim zemljama.

1925. godine škola je postala Prva muška gimnazija, a 1953. godine nosi naziv Prva muška realna gimnazija, 1954. godine zvanično nosi Državna klasična gimnazija- Prva muška gimnazija. U narednom periodu slijede nove promjene u nazivu i to 1960 godine Prva klasična gimnazija a 1962 godine postaje Prva gimnazija. Slijede nove promjene i od 1982 godine zove se „ Revolucionari i narodni heroji Prve gimnazije“, da bi u septembru 1991. godine postala Javna ustanova Prva gimnazija, ime koje ima i danas.

Ovaj osvrt na promjenu naziva Prve gimnazije govori nam nedvojbeno o burnom razdoblju kroz koje je ova institucija prošla.

O kakvoj se prestižnoj školi radi, s obzirom na značaj koje je imala i koje ima u prosvjetnoj, kulturnoj, pa i političkoj istoriji Sarajeva i Bosne i Hercegovine svjedoče brojna priznanja i nagrade. Ako postoji sveto mjesto znanja u Bosni Hercegovini onda je to Prva gimnazija.

Koliko je samo generacija prošlo kroz njene učionice u proteklih 140 godina, koliko je ispisanih dnevnika, koliko je podijeljeno petica, ali i neizostavnih jedinica. Najzad, koliko je samo uglednika prošlo i koji su zadužili ovo podneblje ali i šire. Jednostavno, ona je bila i ostala nepresušni izvor znanja brojnih učenika, a ostaće vječna upisana i kao i prva multikonfesionalna škola u Bosni i Hercegovini.

Doprinos Prve gimnazije ogleda se i u slijedećem: 1883. godine učestvuje na izložbi srednjih škola u Trstu i tom prilikom škola je nagrađena kao druga među školama u monarhiji> Na istoj takvoj izložbi u Budimpešti 1896. godine škole je pohvaljena i nagrađena, a isti tako 1899. godine na izložbi u Beču.

Prva gimnazija dobitnica je više društvenih priznanja i odlikovanja i to : 18.10.1967. godine Skupština opštine Centar dodijelila je Statuu Prvoj gimnaziji kao najboljoj školi za školsku 1966/67., 12.10. 1969. godine, Sportsko društvo „ Pavle Goranin“ prima Majsku nagradu SOOFK BIH, Gradski odbor 1970 godine dodijeljuje Diplomu za drugo mjesto u takmičenju škola. 25.aprila 1976 godine Gimnazija prima Orden zasluga za narod drugog stepena koje dodijeljuje Josip Broz Tito.

06. maja 1979. godine Prvoj gimnaziji pripada „Šestoaprilska nagrada“ grada Sarajeva.

24.11. 1979 godine školi pripada republička nagrada „ Hasan Kikić“, za značajna ostvarenja u oblasti obrazovanja i vaspitanja.

Kroz učionice Prve gimnazije prošla su i dva dobitnika Nobelove nagrade i to: Vladimir Prelog za hemiju i Ivo Andrić za književnost.

Veliki broj profesora i učenika Prve gimnazije bili su osnivači i profesori Univerziteta u Sarajevu. Pregledom spiska akademika Akademije nauka i umjetnosti može se konstatovati da su bivši učenici Prve gimnazije najzastupljeniji na tom spisku.

Ako se osvrnemo na učenike koji su dali doprinos na polju umjetnosti možemo se konstatovati se na tom spisku nalazi plejada umjetnika da nabrojimo samo neke: likovni umjetnici: Vojo Dimitrijević, Mica Todorović, Roman Petrović, Đoko Mazalić, Jovan Bijelić, Enver Krupić, Hakija Kulenović, Ivo Šeremet, Ismet Mujezinović, Danijel Ozmo, Ljubča Lah, Mario Mikulić, Behaudin Selmanović, Emir Dragulj, Branko Šotra, Radoslav Tadić; književnici: Abdulah Sidran, Petar Kočić Ivo Andrić, Isak Samokovlija, Safvet-beg Bašagić, Izet Sarajlić, Miljenko Jergović; pozorišni umjetnici ; Sulejmen Kupusović, Haris Pašović, Dino Mustafić, Mirza Idrizović, Aleš Kurt, Branko Đurić, Admir Glamočak; muzički umjetnici: Oskar Danon, Dževad Šabanagić, Faruk Sijarić, Ranko Rihtman, Ismeta Dervoz, Goran Bregović, Saša Lošić, Želimir Altarac- Čičak; novinari: Omer Karabeg Vlastimir Mijović Nagorka Idrizović, Zlatko Dizdarević Rešad Hadrović, Nada Salom, Slobodan Stajić, Segmendina Srna i dr.

Poznati sportaši i učesnici Olimpijskih igara: Dako Radošević u Melburnu i Mirsada Burić u Barceloni 1992. godine

Sportisti: Memnun Idžaković, Rešad Šarenkapa, Ljubiša Zečević, Faruk Hadžibegović, Olga Đoković, Boško Tanjević , Goran Čengić, Rusmir Delahmetović i dr.

Škola je iznjedrila plejadu političara i političkih radnika: Alija Izetbegović, Edhem Bičakčić, Spahić Ibrahim, Aljoša Čampara, Hadžibajrić Ibrahim, Karolina Karačić, Jusuf Pušina i.....

Da vas podsjetim u aktuelnom sazivu Skupštini Kantona Sarajeva ima pet bivših učenika Prve gimnazije

Prva gimnazija bila je i prva u doprinosu umjetničkim društvima. Kulturno-umjetničko društvo „ Miljenko Cvitković“ nastalo je od sekcije učenika Prve gimnazije. Prvo sportsko društvo u BiH, osnovano je 1952. godine u Prvoj gimnaziji po nazivom „ Pavle Goranin“ Prvi školski list „ Polet „ izdaje se bez prekida u Prvoj gimnaziji.

Prva gimnazija ima Muzej Prve gimnazije koji je jedinstven u BiH.

Prva gimnazija nikada nije prekidala svoju aktivnost na odgoju i obrazovanju kroz proteklih 140 godina. Tokom agresije na BiH Prva gimnazija ostala je bez 50% svojih nastavnika, ali ni tada nismo prekidali nastavu i svi učenici koji su bili u gimnaziji završili su razrede.

Škola je izvodila nastavu u neuslovnim objektu, bez grijanja i nastavnih sredstava, međutim, ovdje moramo sa žaljenjem da konstatujemo da su tri učenika u želji da se obrazuju pod svaku cijenu bez obzira na opasnost izgubili svoje mlađe živote i to: Zubača Aida, Grozdanić Admir i Nikšić Azra učenici drugih razreda.

Prva gimnazija dala je i 16 narodnih heroja Jugoslavije, od kojih je većina dala život za bivšu državu.

Prva gimnazija dala je i nemjerljiv doprinos u organizaciji raznih manifestacija it: Zimske Olimpijske igre, EYOF, STENS, Balkanske atletske igre, Atletski miting solidarnosti, Sarajevska zima, Sarajevo film festival.

Prva gimnazija uspostavila je saradnju sa drugim školama u Evropi i to: Paderborn, Fridrihshafen, Trst, Istambul, Podgorica itd.

Prva gimnazija prva je pokrenula projekat „Gimnazijada“ sa ciljem druženja putem sporta sa glavnim gradovima bivše države, a poslije rata projekat je nastavi da djeliće u okviru okupljanja učenika gimnazija Kantona Sarajevo.

Plejada zaslužnih ljudi naše prošlosti našla u Prvoj gimnaziji svoje gnijezdo, maticu kulture i nauke, ali i začinjanje jednog od uporišta za odbranu tekovina vlastite kulture, nacionalnih vrijednosti i patriotskog osjećanja u svojoj domovini. Tako je ova škola darovala svome gradu pouzdane temelje njegovog razvoja i oslobođala od tuđinskih shvatanja i nametanja opterećenja veoma sumnjive prirode, što su pretstavljeni hipoteku i antagonistički odnos prema vlastitim težnjama za autotohni izraz svoje samobitnosti. Lažna zabrinutost za sudbinu BiH i kulturne tekovine njenih naroda stalno je pratila burne dane u prošlosti škole i njene aktivnosti.

Po onome što je značila, i po onome govori i javnosti prezentira ona je svojevrsni i poseban spomenik grada.

„U Gangu su vode uvijek druge,

Ali Gang ostaje uvijek isti...“

Upravo ove neprolazne riječi kojima je Mahatma Gandhi opisao svetu rijeku Gang moglo bi se primjeniti i na Prvu gimnaziju. Jer, kao vode Ganga, tako su se i njene generacije stalno mijenjale, donoseći joj dah svježine, ali je Prva gimnazija ostajala uvijek ista u tom nepovratnom toku vremena.

Predsjednik

Faruk Bešlić, prof.



**Odbor za javna priznanja
Kantona Sarajevo**

Broj: 01-05-2396-4/19
Sarajevo, 21.03.2019.godina

Na osnovu člana 3.stava 2. i 3. i člana 6. stav 1 Zakona o javnim priznanjima Kantona Sarajevo, ("Službene novine Kantona Sarajevo broj 2/10-Novi prečišćeni tekst"), Odbor za javna priznanja Kantona Sarajevo, na sjednici održanoj dana 21.03.2019.godine, donio je jednoglasno

**ODLUKU
O PROGLAŠENJU POČASNOG GRAĐANINA
KANTONA SARAJEVO**

I

Gospođa Tanja Fajon proglašava se Počasnom građankom Kantona Sarajevo zbog izuzetnih zasluga u širenju istine o dešavanjima u našoj zemlji i za doprinos razvijanju međunarodnih odnosa na načelima solidarnosti, demokratičnosti i tolerancije među ljudima različitih nacija,vjera i kultura.

II

Počasnom građaninu dodjeljuje se Povelja Kantona Sarajevo.

III

Ova odluka dostavlja se Skupštini Kantona Sarajevo na verifikaciju.

PREDSJEDAVAJUĆI ODBORA

Elmedin Konaković



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562 055,
Fax:+ 387 (0) 33 562-210
Sarajevo, Reisa Džemaludina Čauševića 1



Bosna i Hercegovina
Federacija Bosne i Hercegovine
**SKUPŠTINA KANTONA
SARAJEVO**



Босна и Херцеговина
Федерација Босне и Херцеговине
**СКУПШТИНА КАНТОНА
САРАЈЕВО**

Bosnia and Herzegovina
Federation of Bosnia and Herzegovina

**CANTON SARAJEVO
ASSEMBLY**

Na osnovu člana 6. Zakona o javnim priznanjima Kantona Sarajevo („Službene novine Kantona Sarajevo“, – Prečišćen tekst broj:2/10), Skupština Kantona Sarajevo na sjednici održanoj dana , donijela je

PRIJEDLOG

O D L U K U

**O VERIFIKACIJI ODLUKE O PROGLAŠENJU POČASNOG GRAĐANINA
KANTONA SARAJEVO**

I

Skupština Kantona Sarajevo verifikuje Odluku o proglašenju Počasnog građanina Kantona Sarajevo, gospođe Tanje Fajon.

II

Odluka o proglašenju Počasnog građanina Kantona Sarajevo, donesena je zbog izuzetnih zasluga u širenju istine o dešavanjima u našoj zemlji i za doprinos razvijanju međunarodnih odnosa na načelima solidarnosti, demokratičnosti i tolerancije među ljudima različitih nacija, vjera i kultura.

III

Ova odluka objavit će se u “ Službenim novinama Kantona Sarajevo”.

Broj:

S A R A J E V O

**PREDSJEDAVAJUĆI
SKUPŠTINE KANTONA SARAJEVO**

Elmedin Konaković



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-055,
Fax:+ 387 (0) 33 562-210
Sarajevo, Reisa Džemaludina Čauševića 1



KANTON SARAJEVO

Odbor za javna priznanja Kantona Sarajevo
(na ruke sekretara Skupštine Kantona Sarajevo)
Ul. Reisa Dž. Čauševića br. 1
71000 Sarajevo

Grupa građana Sarajevo
(bivši studenti Univerziteta u Ljubljani)

Predmet: Inicijativa za dodjelu javnog priznanja „Počasnog građanina Kantona Sarajevo“

Na osnovu Vašeg Javnog poziva za dodjelu javnog priznanja Kantona Sarajevo za 2018. godinu, objavljenog u Oslobođenju, mi bivši studenti Univerziteta u Ljubljani, građani Sarajeva, pokrećemo inicijativu za promovisanje u počasnog građanina Kantona Sarajeva gđu. Tanju Fajon poslanika države Slovenije u Evropskom parlamentu.

Inicijativu motivišemo javnim djelovanje gđe. Tanje Fajon u Evropskom parlamentu reagujući na sve nastraje na Bosnu i Hercegovinu od strane naših neprijatelja i šireći objektivnu istinu o našoj zemlji.

Nažalost, ni jedna naša institucija do sada nije našla za shodno da joj se za njezin principijelan stav zahvali i oda priznanje iako je našoj javnosti dosta dobro poznato djelovanje gospođe Tanje Fajon u Evropskom parlamentu.

Nadamo se da će Odbor za javna priznanja Kantona Sarajevo znati cjeniti doprinos gospođe Tanje Fajoi o širenju istine o našoj zemlji, kao i našu inicijativu i odati joj zasluženo priznanje a što bi bila velika čast da to priznanje dobije od Kantona Sarajevo.

Uz iskrene želje za uspjeh u radu, srdačno Vas pozdravljamo.

Inicijativu podnose:

- Akademik Dževad Hozo
- Prof.dr. Hasan Muratović
- Mr. Avdo Hebib, dipl.psiholog
- Mr. Mirsada Čulov
- Mr. Halil Čulov
- Dr. Dika Jeleč
- Dr. Izet Bjedić
- Prof. Mensur Pašalić, dipl.psiholog

Sarajevo, 21.02.2019. godine

Kontakt osoba : Avdo Hebib, mob. 061/700-302

